

古今情海

曹綉君編

中國筆記小說文庫

古今情海

上海文藝出版社

上海文藝出版社

曹綉君編

中國筆記小說文庫

古今情海

影印出版说明

本书编者曹绣君，收集了历代文献中有关婚姻、家庭关系的笔记小说，内容丰富，包括贞女烈妇传记、各地风俗、婚俗、风物名胜传说，世俗百姓的家庭生活等等，对了解研究我国古代社会的诸方面，如论理道德，风俗习惯，市井百态，因缘轮回观念等，提供了宝贵的资料。

据上海进步书局 1915 年版影印。

附有《清代声色志》上下卷，进步书局编。
据文明书局 1928 年版第 6 版影印。

古今情海

(影印本 1991 年 5 月)

上海文艺出版社出版、发行
新华书店经销
上海市印七厂印刷

ISBN 7-5321-0758-2/I·603

登记证号：(沪)103 定价：17.10 元

例言

一本編蒐羅諸書不下數百種大半孤本自周秦漢魏以迄前清隨時甄錄其數見不鮮者概從割愛

一本編不拘朝代不次先後特區門類以便閱者

一本編共一千二百數十則悉標示原書以資考證其有未審出處者不敢臆入
一本編雖貞淫並列而於通志及各府州縣志中列女傳所收尤多江河日下女界沉沉用此諷勸或可小補

一所採各書本編必詳分句讀以省愛讀諸君之腦力

一祕笈無窮耳目有限本編廣行薈采仍多遺珠之憾海內藏書家如有珍籍願讓或可借鈔者極爲歡迎擬作續集之選刊



古今情海 卷一 目次

情中貞上

夫天也可背乎

禽鳥且有雄死不再羣者

此亦爲其夫耳

爪折尙不可何況其他

割耳全貞

待此水乾時吾卽嫁也

吾已與孫郎婚矣

我聽爾哭心已碎矣

里人爲之罷慶賀

情中貞上 目次

汝欲妻母耶

平生喜說李氏斷臂事

恰似啞人食苦瓜

何面目見地下人

爲文祭夫

妾知守妾志爾

陌上桑歌

我鄧家婦何歸乎

柏舟之操不可奪也

古今情海 卷一

母養兒兮苦復苦

有如此肉

非賣公何以有今日

獨腕尼

紀歲珠

侍小花

不飲他水

割鼻不嫁

吾當以頭與之

無子何害

連婉娘

死易耳立孤難

引繩束髮

強活二十餘年

天乎亡矣吾誰與歸

碎聘物

寧死不從

禽獸之行吾豈爲乎

我心熬得如鐵

空房夜夜聞啼鳥

吾既廟見豈不爲婦乎

隻履擊王頭

此心終不虧

不堪金谷水

八日復甦

胡催蓮

吾寧有死不受辱

撫孤與從死孰優

懷夫餘髮以殮

若戚惡能守耶

何出此不辭語

忍死事舅姑

盜不侵犯貞婦家

陰陽臺

我潘離自固


泣受遺言

吾節婦婦也

生身何罪與君相遇

古今情海 卷一

古今情海卷一 目次終



情海卷一

情中貞上

夫天也可背乎

唐書李德武妻裴傳。裴字淑英。安邑公矩之女。以孝聞鄉黨。德武在隋。坐事徙嶺南。時嫁方踰歲。矩表離婚。德武謂裴曰。我方貶無還理。君必儻他族。於此長訣矣。答曰。夫天也可背乎。願死無他。欲割耳誓。保姆持不許。夫姻媾歲時朔望。裴致禮惟謹。居十年。德武未還。矩決嫁之。斷髮不食。矩知不能奪。聽之。德武更娶爾朱氏。遇赦還。中道聞其完節。乃遣後妻爲夫婦如初。

汝欲妻母耶

元史列女傳。脫脫尼雍吉刺氏。有色。善女工。年二十六。夫哈刺不花卒。前妻有二子。

皆壯無婦。欲以本俗制收繼之。脫脫尼以死自誓。二子復百計求遂。脫脫恚且罵曰。汝禽獸行。欲妻母耶。若死。何面目見汝父地下。二子慚懼謝罪。乃析業而居。三十年以貞操聞。

禽鳥且有雄死不再群者

汾陽縣志。皇甫氏。西河人。姜鳳舉妻。天性純淑。動遵母教。歸姜氏。事舅姑。得婦道。夫早亡。哀毀踰禮。既服闋。人多婉辭勸再嫁。氏泣曰。禽鳥且有雄死不再群者。可以人而不如鳥乎。況舅姑垂老。一息幼冲。忍棄之耶。於是事舅姑益盡孝。教子讀書成立。始終一節。泰定間旌表。

平生喜說李氏斷臂事

無錫縣志。顧氏。蔣南式妻。忠文公重珍母也。父母奇窮。氏幼育於外家。一日父母絕食。女剪髮貽其父。鬻百錢以給炊。家自是稍蘇。人以爲孝感。歸蔣而寡。重珍纔十歲。貴家慕之。屬嫺黨求焉。顧怒叱去。親授重珍經書。平生喜說李氏斷臂事。謂婦人當

如此也。所居僅容膝。而內外區別。凜然不可越。貧甚。或乞重珍爲子。不聽。或欲以女贅重珍者。田廬畢具。顧曰。藐孤所以得長。諸父力也。豈可去之。辭焉。重珍年四十。舉進士第一人。迎養於京邸。

此亦爲其夫耳

堯山堂外紀。李妙惠。揚州女。嫁與同里舉人盧某爲妻。盧以下第。發憤與其友。下帷西山寺中。禁絕人事。久無家音。成化二十年。有與同名者死京城。鄉人誤傳盧死。父母信之。居無何。歲大飢。維揚以北。家不自給。父母憐李寡貧。欲奪其志。強之不可。臨川鹽商謝能博子啓。聞其美且賢也。効幣請婚。李自縊者再。公姑患之。時李之父在外郡。訓鄉學。李母偕隣嫗勸諭殷勤。防閑愈密。李日夜哀泣。聞者爲之墮淚。既知勢不可解。乃勉從焉。緘書與父訣。詞甚慘。及歸謝家。抗志益篤。謝之繼母亦揚州人。與李有瓜葛。李卽跪請。願延斯須之命。終身爲主母執役。因堅侍母傍。不去。謝故饒婢妾。未及凌犯。居數日。李復懇請爲尼。母姑唯唯。度還鄉無復之耳。於時啓船先發。而

母及李繼之。至京口。舟泊金山寺下。母偕上寺酬醺。有筆墨在方丈。李取題壁間云。一自當年折鳳凰。至今消息兩茫茫。蓋棺不作橫金婦。入地還從折桂郎。彭澤曉烟歸宿夢。瀟湘夜雨斷愁腸。新詩寫向金山寺。高掛雲帆過豫章。歎其後曰。揚州盧某妻李氏題。盧後會試登甲榜。捷音至揚州。父母乃知子存。然無及矣。弘治元年。纂修憲廟實錄。差進士姑蘇杜子開來江右採事。未報。復使盧促之過家。知妻已嫁。恐傷父母。不敢言。然亦未忍別議。遂行道出鎮江。登金山。見寺壁題。不覺氣噎。問之寺僧曰。先有姑息過此。留題去矣。盧錄其詩以去。至江右密簪之徐方伯。方伯曰。鹹艱踰千。孰從覘察。縱得之。聲亦不雅。盍以計取乎。乃選臺吏最黠者一人。諭以其故。令熟誦前詩。駕小艇沿鹽船上下。歌而過之。越三日。忽聞船中女聲。啓牕喚曰。此詩從何得來。吏前致盧命。李大驚曰。揚州盧舉人其死已久。爾欺我也。吏備述如所諭語。叩父母及妻名。一一不爽。李遂掩泣曰。眞我夫矣。始吾聞歌已疑之。恨未有間。今日商偶往娼院。母亦過隣舟。故得問汝。汝歸可善爲我辭。因密致之約。揮手曰去去。吏歸。

報其主。依期舟來。遂接李至公館。夫妻歡會如初。商賈俱付母主其出入。母轉以委李。及商歸。簡視歷歷分明。封誌完固。歎曰。關羽昔逃歸漢。曹公不追。而曰彼各爲其主。此亦爲其夫耳。貞婦也可置之。時弘治二年也。

恰似啞人食苦瓜

福安縣志。卓氏。穆洋鄭由妻。年十八歸。由未二十而寡。無子。取伯氏子珙爲嗣。教訓成立。臨終爲口語告其子孫曰。吾年十八便守寡。恰似啞人食苦瓜。世上無人似我苦。一生守志誓無瑕。年七十六。其後孫鄭之悌。鄭棠俱登第。

爪折尙不可何況其他

松江府志。翠娥秀。姓李氏。趙之娼女也。旣笄。以處子適鎮守松江管軍副萬戶薛徹。都爲小婦。居數年無子。徹都卒。秀年二十五。服喪過哀。固護指甲。示無他志。父母勸改適。對曰。爪折尙不可。何況其他。護之愈嚴。薛徹都子世爵。事之如母。秀復脫簪珥。作道裝。益明其志。年踰八袞。爪長尺餘。終。

何面目見地下人

深州志杜氏劉衍光妻。年十六適衍光。未一載。光病篤。杜哀毀絕飲食。及亡。翁姑以其少且無子。議嫁之。因欲自盡。家人嚴防不得死。勸之。輒掩泣謝曰。婦人失身。何面目見地下人。古多烈女。我豈不能效耶。死畢。吾事矣。救我徒相苦也。自是防之愈密。勸者不絕口。意乃稍回。止啗粗糲服艱辛。以奉其舅姑。鑿壁爲竈。納夫木主其中。朝夕奉祀。薦蔬果。三十年無倦。

割耳全貞

元史列女傳王氏。成都李世安妻也。年十九。世安卒。夫弟欲收繼之。王氏不從。引刀斷髮。復自割其耳。創甚。親舊驚歎。爲醫療。百日乃愈。狀上旌焉。

爲文祭夫

畿輔通志喬氏趙光裕妻。保定人。光裕沒。氏悲號氣絕。旣而念遺孤無託。矢志守節。敬督二子。長子弘猷入泮。氏爲文以祭其夫。有云。藍袍在躬。喜看孤兒之入泮。黃流

奠地。聊酬孀婦之和丸。聞者媿之。

待此水乾時吾卽嫁也

山西通志。朱氏。生員宋朝妻。朝歿無嗣。遺幼女二。氏年二十。及葬。牽二女哭曰。微二女。吾不復生。待二女長。吾決以死報地下。自是足不出戶。惟事織紉以供薪水。諸大家聞氏美。欲爭娶之。密遣媒。嫗親識。朝夕勸誘。竟莫之奪。其後伯姒王又乘間以言進。刺耳之語。紛紛不已。氏令婢掘坑。院心。納以大甕。令注水。其內家人皆怪其所爲。氏晨興沐浴更衣。悉召素所勸嫁者。環左右。氏焚香誓告於天曰。吾誓不嫁。若等以私人之餽而謀奪吾志。吾今與若約。待此水乾時。吾卽嫁也。其待之。誓畢。令婢蓋石版於甕口。仍覆之以土。厚三尺許。攜二女大哭於室。衆皆嘖嘖而散。諸大家聞之。亦皆意沮。氏與二女蕭然一室。惟勤織紡以畢婚配。苦節六十餘年。

妾知守妾志爾

元史列女傳。霍氏二婦。尹氏楊氏。夫家鄭州人。至元間。尹氏夫耀卿歿。姑命其更嫁。

尹氏曰婦之行一節而已。再嫁而失節。妾不忍爲也。姑曰世之婦皆然。人未嘗以爲非。汝獨何恥之有。尹氏曰人之志不同。妾知守妾志爾。姑不能強。楊氏夫顯卿繼歿。慮姑欲其嫁。卽先白姑曰。妾聞娣姒猶兄弟也。宜相好焉。今姒旣留。妾可獨去乎。願與共修婦道。以終事吾姑。姑曰。汝果能若是。吾何言哉。於是同處二十餘年。以節孝聞。又有邠州任氏。乾州田氏。皆一家三婦俱少寡。誓不他適。戮力蠶桑。以養舅姑。事聞。並命褒表。

吾已與孫郎婚矣

鎮江府志。楊氏女。丹陽人。許配孫屋。屋病瘵死。楊白父母奔喪。至則屋方浴屍待殮。楊亦解衣就浴。浴畢。謂其從婢曰。吾已與孫郎婚矣。若歸語兩老人。勿以吾爲念。其父母舅姑。皆不許。楊哭曰。苟勿從吾言。今日卽與孫郎俱逝矣。乃許之。用女紅自食六十餘年。

陌上桑歌